

**ZAPISNIK SA 31. SJEDNICE UO SAMOSTALNOG SINDIKATA RADNIKA U BHRT-u,  
KOJA JE ODRŽANA U UTORAK 30.05.2017.GODINE**

**Prisutni:** D. Smital; E. Čengić; Dž. Kahrica; N. Žuga; G. Brkić; N. Hodžić; N. Arnautović;  
N. Čordalija; B.Hamzagić; E. Fočo; M. Grbo; D. Miljević; M. K. Pašalić; O. Bukić;  
M. Baručija

**Odsutna:** S. Topalić; - neopravdano

**Gosti:** B.Karamehmedović, gen.direktor BHRT-a, D.Karšić,blagajnica sindikata

Dnevni red:

1. Zapisnik sa 30. sjednice
  2. Aktuelna situacija u BHRT-u
  3. Dodjela pomoći
  4. Izvještaj i specifikacija BSO za april 2017/ N. Žuga
  5. Finansije
  6. Razno
- Sastanak Podružnice Ured generalnog direktora  
- Ajdinovići / ugovor

**AD 1.** Dnevni red je usvojen uz prijedlog N.Žuge da se dodjela pomoći uvrsti kao tačka 3 poslije Aktuelne situacije a prije finansija. Zapisnik sa 30.sjednice UO Samostalnog sindikata radnika u BHRT-u je jednoglasno usvojen.

**AD 2.** Rukovodstvo sindikata je upoznao članove UO o sastanku sa generalnim direktorom održanim 18.05. 2017., u skladu sa dogovorom sa 10. vanredne sjednice.  
Prisutni: B.Karamehmedović, D.Smital, S. Topalić, Dž.Kahrica, E.Čengić

Generalni direktor je izvjestio rukovodstvo Sindikata da je 17.05. održan sastanak sa direktorima entitetskih emitera. Prema njegovim rječima, postoji dobra volja entitetskih emitera da se od 01.07. reguliše uplata inkasa u skladu sa zakonom, uplaćivanjem na zajednički račun. U toku sedmice, nakon održavanja sastanka su trebali advokati sva 3 emitera sastaviti prijedlog tog sporazuma.

Također nas je informisao da je na sastanku održanom 16.05. kojem su prisustvovali gđin Šefik Džaferović, UO i generalni direktor BHRT-a, UO BHRT-a bio jednoglasan u traženju rješenja odnosa sa entitetskim emiterima, kao i po pitanju stabilnog finansiranja BHRT-a. Na naše pitanje kakva je situacija sa isplatom toplog obroka, direktor je rekao da se vrši prikupljanje sredstava i da će naknada za topli obrok biti isplaćena u što kraćem roku.

D.Smital je upoznao UO da je rukovodstvo Sindikata i u ponedjeljak 29.05.2017.godine održalo kratki sastanak sa gen.direktorom u vezi isplate plaće. S tim u vezi je pozvan generalni direktor na sjednicu UO Sindikata.

Za isplatu neto plate za mjesec april prema rječima generalnog direktora nedostaje oko 170000 KM i plata bi trebala biti isplaćena do kraja tekuće sedmice. Generalni direktor je upoznao UO Sindikata da postoji volja entitetskih emitera da se od 01.07.2017.godine počnu izmirivati dugovi prema BHRT-u ali je sve još uvijek na usmenim dogovorima.

U ovom mjesecu je Federalna televizija povećala plaćanja za nekih 20%, RTRS je povećao također uplatu prema BHRT-u dok je uplata iz M tel-a i BH telekom-a jako loša.

Prema rječima generalnog direktora od 01.07. bi se moglo naći alternativno rješenje za naplatu RTV takse u skladu sa zakonom.

Zbog jako lošeg finansijskog stanja BHRT-a veliki je problem sa ovjerom zdravstvenih knjižica i prema rječima gen.direktora ukoliko se riješi 01.07.problem RTV takse, sklopit će se ugovor o reprogramu dugova za sve obaveze prema radnicima.

Gen.direktor se zahvalio na pozivu i dodao da će se svaki put odazvati pozivu sindikata i dati sve odgovore na pitanja vezana za aktuelnu situaciju BHRT-a.

Jednoglasno je usvojen tekst reakcije prema gen.direktoru i UO BHRT-a, ukoliko plata ne bude isplaćena do 01.06.2017.godine.

Merima Kurtović Pašalić je izvjestila UO Sindikata o učešću na radionici koju su organizovali BH Novinari u Hotelu Grand 25.05.2017.godine. M.K. Pašalić je kao član UO sindikata učestvovala u dijelu pod nazivom „Uloga sindikata u zaštiti novinarki“.

D.Smital je izvjestio UO sindikata da je sindikat dobio poziv za učešće do sada u samo jednoj emisiji u PS BiH koju realizuje naša kuća a u vezi trenutne situacije u kojoj se BHRT nalazi. Tada je ispred sindikata u emisiji učestvovala M.K.Pašalić. Zbog jako loše komunikacije koja je evidentna D.Smital je predložio da se održi sastanak između delegacije SSR u BHRT-u i rukovodećih ljudi u IP BHT1. Tema sastanka bi bila uspostavljanje kanala komunikacije između SSR u BHRT-u i IP BHT1.

Nakon duže rasprave, ovaj prijedlog je jednoglasno usvojen.

Jednoglasno je produžen mandat Komisiji sindikata za dodjelu pravne pomoći.

**AD 3.** Prijedlog komisije za dodjelu finansijske pomoći (N.Žuga, G.Brkić, M.Grbo) da novčanu pomoć dobiju sljedeći članovi; Elmir Suša 100 KM, Rankica Jagličić 200 KM I dio (3x200 KM), Jusuf Džindo 500 KM, Džehva Hamzić 300 KM, Džana Hrle 300 KM, Almedina Kazaz 200 KM, Behudin Hozo 200 KM. Ukupno 1800 KM. Također, komisija je predložila dodjelu baby paketa DM-a, u iznosu od 200 KM za Muamera Silajdžića.

Dva zahtjeva za dodjelu finansijske pomoći su odbijena na osnovu Pravilnika (D.Radović i R.Tahirović) Prijedlog komisije za dodjelu finansijske pomoći jednoglasno je usvojen.

N.Žuga je zamolio sve članove komisije za redovnim prisustvovanjem sastancima a zbog boljeg rada i davanja prijedloga na UO Sindikata. Poslije duže rasprave,donešen je zaključak da predsjednik komisije na sljedećoj sjednici podnese izvještaj o radu komisije za dodjelu finansijske pomoći.

**AD 4** Izvještaj o poslovanju sa BSO osiguranjem takođe primljen k znanju.

**AD 5** Izvještaj o finansijskom poslovanju sindikata za april 2017. primljen je k znanju.

Na osnovu zaključka sa 30.sjednice UO sindikata E.Čengiđ je izvjestio da je zajedno sa D. Smitalom i N. Žugom obavio razgovore sa Dišom Karšić i Vesnom Čosović o smanjenju naknada.

Obzirom da se Vesna Čosović, već ranije pozitivno izjasnila o smanjenju naknade, D. Smital je pozvao D. Karšić na sjednicu UO, kako bi se izjasnila o predloženoj naknadi.

D. Karšić se pozitivno izjasnila o predloženoj naknadi.

Nakon duže rasprave, UO je utvrdio da nema više potrebu za tehničkim sekretarom i donio odluku o razrješenju tehničkog sekretara Advije Alimanović, kao i da će poslove tehničkog sekretara obavljati izvršni sekretar Elvis Čengiđ.

Odluka je usvojena sa 13 glasova ZA i 2 SUZDRŽAN.

Prema preporuci Nadzornog odbora sa posljednje Skupštine sindikata, UO je usvojio odluku o angažmanu i naknadama za rad u Sindikatu i to:

Vesna Čosović (knjigovođa) 150KM mjesečno,

Diša Karšić (blagajnik) 100KM mjesečno,

Aida Sadžak (web dizajn i administrator) 50KM mjesečno,

Minka Hot (likvidator) 25KM mjesečno,

Nijaz Žuga (predsjednik komisije za dodjelu finansijske pomoći) 50KM mjesečno,

Mensud Grbo (član komisije za dodjelu finansijske pomoći) 50KM mjesečno,

Elvis Čengić (izvršni sekretar) 50 KM mjesečno,

Dragan Miljević za troškove dolaska na sjednice UO 120 KM, a ukoliko ga mijenja Amir

Džidić njemu se za troškove dolaska na sjednice UO određuje 50 KM.

kolegij UO (Damir Smital, Svjetlana Topalić, Džemal Kahrica, Elvis Čengić) za troškove telefona po 25 KM mjesečno, ukupno 100 KM.

Odluka je usvojena sa 13 glasova ZA i 2 SUZDRŽAN.

Stupanjem na snagu ove odluke, prestaje da važi Odluka o angažmanu i naknadama za rad u Sindikatu, broj 82/2016, od 28.04. 2016.

**AD 6.** Podružnica Ured generalnog direktora je održala sastanak podružnice na kojem su prisustvovali D.Smital, Dž.Kahrica i Nijaz Žuga, a zbog isčlanjenja povjerenika te podružnice T.Maličbegovića iz sindikata. Na sastanku je, na zahtjev članova podružnice prisustvovao i generalni direktor, B. Karamehmedović, kako bi pojasnio aktuelnu situaciju u BHRT-u. Podružnica Ureda generalnog direktora je za povjerenika izabrala Mirelu Hiseni. Uz odluku o imenovanju, ta podružnica je dostavila i prijedlog za imenovanje Mirele Hiseni u UO sindikata, kao i zahtjev za održavanje vanredne skupštine sindikata, kako bi se moglo izvršiti imenovanje.

Obzirom da M. Hiseni, kao povjerenik podružnice, ima pravo učestvovati na sjednicama UO sindikata, ali bez prava glasa, D.Smital je predložio da se ovaj zahtjev razmatra na septembarskoj sjednici UO, jer je rukovodstvo sindikata mišljenja da svaka podružnica mora ravnopravno učestvovati u svim odlučivanjima kao i svi ostali, kao i da je teško organizovati Skupštinu u vrijeme godišnjih odmora.

Ovaj prijedlog zaključka je usvojen sa 14 glasova ZA i 1 SUZDRŽAN.

Dž.Kahrica je upoznao UO sindikata, da je zajedno sa G.Brkićem, E.Čengićem, a prema zaključku UO, posjetio Sportsko rekreativni centar Ajdinovići, kao i o ugovoru koji je sa njima sklopljen. Prema tom ugovoru članovi Samostalnog sindikata radnika u BHRT-u ostvaruju popust 20 % na usluge višednevnog boravka (Ultra all inclusive) u Centru a po aktuelnom cjenovniku, osim na Dnevni all inclusive aranžman na koji ostvaruje cijenu od 30,00 KM / odrasla osoba (sa uračunatim popustom), a za djecu od 5-15 godina dnevni All inclusive aranžman iznosi 15KM. Ukoliko se riješi problem potraživanja radnika BHRT-a, postoji mogućnost dogovora za organizaciju emiterijade u septembru.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Predsjednik  
SAMOSTALNOG SINDIKATA  
RADNIKA U BHRT-u  
Damir Smital